

Ibu bimbang nasib anak tiada status warganegara

BALIK PULAU – Seorang ibu tunggal bimbang terhadap nasib yang bakal dihadapi anak perempuannya, Keisha Zahra Kurshid Ahmed, 6, berikutan masih belum menerima status kewarganegaraan Malaysia.

Riza Syuhada Sulaiman, 33, kini semakin dilema mengenang keadaan anaknya yang bakal memulakan persekolahan tahun satu tahun depan.


“Saya ambil keputusan pulang ke tanah air dari Adelaide, Australia bersama anak tunggal saya sebaik berpisah dengan bekas suaminya yang merupakan

warga asing pada Disember 2019.

“Kami bersetuju untuk memulakan kehidupan baharu di negara masing-masing sementara bekas suami kini masih menetap di negara berkenaan.

“Apa yang meresahkan saya adalah status warganegara anak yang masih tergantung setelah memohon pada 24 Disember 2019,” katanya ketika ditemui di sini semalam.

Pekerja syarikat swasta itu juga merayu pihak bertanggungjawab mempercepatkan permohonan itu demi melancarkan urusan persekolahan anaknya.



RIZA SYUHADA menunjukkan pasport anak tunggalnya, Keisha Zahra ketika ditemui di kediamannya di Balik Pulau semalam.